

U SARAJEVU PREZENTIRAN NOVI SISTEM REGISTRACIJE

Do firme za pet dana

Posao će raditi 16 sudova u BiH • Fiktivne firme postaju fikcija • Sa 44 čekanje skraćeno na pet radnih dana • Projekat finansirala Velika Britanija

Novi sistem za registraciju poslovnih subjekata, koji će omogućiti registraciju preduzeća u BiH za samo pet dana, umjesto dosadašnjih mjeseci, početak će funkcionisati već naredne sedmice.

Šta je uključeno

Ovom reformom je omogućena lakša realizacija poslovne ideje, ali i spriječen problematična pojava fiktivnih firmi. Projekat koji je finansirala vlada Velike Britanije jučer je u Sarajevu predstavio ambasador Velike Britanije u BiH Metju Raikroft.

- Umjesto dosadašnjih 44 dana koliko je bilo potrebno za registraciju preduzeća i komplikovane procedure, sve će se obavljati u roku od pet radnih dana, čime je olakšan put od ideje do realizacije jednog poslovnog plana. Ovo će raditi 16 specifikira-

nih sudova na području države, sistem će uključivati dobijanje poreskog identifikacijskog broja, a riješenje o registraciji će biti jednoobrazno i vrijediti za čitavu BiH - kazao je Raikroft.

Reforma koja je trajala četiri godine omogućit će, prema visokom predstavniku Kristijanu Švarešilingu, stvaranje povoljnijeg ekonomskog ambijenta koji će doprinijeti boljim ponudama za ulaganje stranih investitora.

- Sa stranim ulaganjima koje će privući jednostavniji, efikasniji i brži birokratski aparat, slijedi otvaranje novih radnih mjesta i poboljšanje ekonomske i socijalne klime u zemlji - kazao je Šiling.

Podaci o preduzećima

Jedan od velikih problema u našoj zemlji, fiktivne firme, će se ovim potezom eliminisati.



Projekat predstavio britanski ambasador

- Fiktivne firme sada su fikcija, a bile su naša stvarnost. Ovaj projekat omogućava transparentnost podataka o svim registrovanim preduzećima koji će biti dostupni javnosti i svim relevantnim institucijama, od privrednih komora, statistike, do penzionih i fondova zdravstvenog osiguranja - kazao je Anton Kasipović, potpredsjednik Vlade RS.

Ovom reformom omogućena je i onlajn prezentacija firmi čime se širi njihovo polje djelovanja, pa će tako moći širiti svoje poslovanje u svom, ali i u drugim kantonima i entitetima.

Važnost ove reforme je također naglašena i studijom izvodljivosti Evropske komisije koja je bila jedna od 16 ključnih područja u kojima je BiH

trebala napraviti izmjene kako bi napredovala na putu evropskih integracija.

Zadovoljni novim sistemom su i ministar pravde FBiH Feliks Vidović koji je jučer na prezentaciji u Sarajevu predstavljao federalnog premijera Nedžada Brankovića, te predsjednik općinskog suda Sarajeva Goran Salihović. E.F.

Može i internetom

Prijava i uputstvo za registraciju dostupni su u prostorijama suda, kao i u elektronskoj formi na internet stranici www.bizreg.ba. Osno-

vni postupak jeste priprema osnivačkog akta i drugih potrebnih isprava, popunjavanje obrazaca prijave, te predavanje dokumenata.

San, 15/06/2007